
Ёзувчилар уюшмаси: “Ватан кўнгилдадир, кўнгил Ватанда!”

Адабиёт – катта йўлга қўйилган ойна, унда ҳар бир миллат ўзини кўради, деган эди алломалар. Дарҳақиқат, адабиёт халқнинг виждони, кўнгли, туйғулари, маънавий дидини тарбия қилувчи бебаҳо хазинадир. 16 май куни Фарғона вилояти Марғилон шаҳрида “Ватан кўнгилдадир, кўнгил Ватанда!” шиори остида Адабиёт ва санъат ҳафталиги ўтказилди. Тадбирни вилоят ҳокими Ш.М.Ғаниев очиб берди. Тадбирда вилоятда ижод қилаётган шоир ва ёзувчилар, Эркин Воҳидов номидаги ижод мактаби ўқувчилари, адабиёт мухлислари, Туркистон МФЙ фаоллари ва уюшмаган ёшлар иштирок этди. Пойтахтдан ташриф буюрган таниқли шоиралар Умидахон Абдуазимова ҳамда Хосият Рустамованинг бугунги ривожланиш ва янгилашни асри руҳияти билан суғорилган шеърлари, фикрларининг баҳосини тингловчиларнинг олқишлари изоҳлаб турди. Халқаро танловлар совриндори Розияхоннинг жонли ижродаги қўшиқларига бутун аудитория жўр овоз бўлди. Ижобий фикр ижобий ғояларни уйғотади, деганларидек эзгу ашъорлар, шукроналик мазмунидаги куй-қўшиқлар халқимизнинг, айниқса ёшларимизнинг қалбини янги марраларга сафарбар этгани шубҳасиз. Адабиёт ва санъат ҳафталиги вилоятимиз бўйлаб давом этмоқда.

2019-05-17 19:52:54